

小木子詩三刻

錢宮詹札

大昕頓首梓廬明府足下半世神交未及相從上下其議論  
擇石西莊兩君時道佳句一二恨未窺全豹今兩君皆歸道  
山談藝益鮮同志矣頃吳子脩以大集見示大雅宏達本本  
元元醞舫先生而後真堪嗣響至於研精聲律獨得唐賢不  
傳三昧尤為窮極幼眇諷誦之餘欽佩奚似弟衰病久疎筆  
墨何敢希元晏之萬一然賤名得附尊集以傳固所願也第  
虞恐未有副本先托子脩奉繳拙序當於來春續寄矣雪後  
驟寒伏惟興居調適為道自愛三三之期幸勿介意明歲尚  
擬相訪於南湖魚樂國耳草草不具弟錢大昕再拜  
至後十日

戊午冬

壺山自吟藁小引

此余年五十八為縣官後詩也縣東南一里有壺山築軒其上堪以休暇風咏而僻陋近邊士多愿樸於文辭一道鮮可兄事師事者每詩成茂與倡和而就正焉故題曰壺山自吟藁志寡聞憾也昔戴石屏以詩名世猶自謂胸中無千百字書如商賈乏貲本不能致奇貨矧此區區者惡滋甚矣乃余平生固嘗之齊之魯之燕之豫之秦近則流寓江淮東西吳又嘗為學官於越授徒於婺校書於杭州官局遇山水名蹟嘉會良辰或客愁勃發不自禁未嘗不刻酷為詩顧才力所限為之往往不稱意亦復不自愛惜輒聽人持去又余自癸卯後病六年迄己酉出山迴憶向所習誦書及所撰詩若文悉惘惘如隔世今若得及早歸盡搜篋底更問親知覓收拾

一二覆加點勘去其客氣及有聲病者約計尚可存數百首  
別為一編若便老死遐荒此願莫遂則舊詩只索棄之可耳  
家孝廉雲陸嘗受業於余適來縣為余抄此帙因書數語先  
寄故鄉羣從商其得失庶幾有以助我也

嘉慶元年正月秀水六十五翁朱休度自識於廣靈縣署之  
俟寧居

壺山自吟彙目

己酉今體詩九首

庚戌古今體詩六十三首

辛亥古今體詩二十三首

壬子古今體詩四十七首

右隸卷上

癸丑古今體詩八十七首

甲寅古今體詩一百又十首

右隸卷中

乙卯古今體詩六十六首

丙辰古今體詩六十四首

右隸卷下

舊作古今體詩一百二十四首

右附錄

壺山自吟藁卷上

秀水 朱休復

己酉三月上阻水宿天妃閣不寐作

南北咽喉繫此邦王公設險重宣防  
吳船百丈千夫怯淮水三分萬弩強  
客夢頻驚搖枕起神風未肯助帆張  
可憐衰老看春去尚犯波濤向路旁

雨後過趙北口

片段頗黎水奇零方罍田梁成君子政魚躍

聖人淵

行營

其地有

微雨染波色淡風標柳烟吳儂相顧喜盡出

五湖天

雨後自雄縣至長新店破兩站作三日行

景物蕙蕙近

帝京濯枝雨過柳烟清野翻麥浪乘風去路擁楊花踏雪行  
堪笑損車昧前轍祇憐蹇足破常程十年一夢春明陌羨煞  
長鞭快馬聲

都下逢李二孝廉本璠追述惠圃中丞夫子遺行談次

至於泣下感賦二首

夫子中和抱負全七閩間氣發山川清如冰雪溫如玉曾有  
江河骨有仙人誦新碑雙淚墮家承舊學一燈傳入麈尾入細  
無遺憾早歎今時見昔賢

夫子韓清時為安溪文貞公從孫即亭太文公子以翰林出守未郡累官河道總督調撫山東沒後東

人思之祠祀濟寧姚公立德有記載州志

人推接代安溪老我識前因衛水神

辛巳夏余謁衛水神廟仰瞻塑像酷肖夫子髯眉光彩無匹髮蒼至今

如在宛轉鬚眉山下像從容語笑酒邊春論文商畧到千古知

己平生第一人



國史已聞採家狀幾行述德媿鋪陳

休度曾代本瑯草家狀今已上史館

口占柬李二明府

同生壬子記同官一別剡溪十五季忽漫相逢又同選聯名

引

見是前緣

白香山詩云何事同生壬子歲若於崔相及劉郎今余與李君同選正十年生也昔在陳縣同為學官六年余以乙未秋秩滿去陳迄今首仍與李同六月選

同赴熱河引

見名復相連豈非數前定乎余在部掣渴新喻縣引見日改廣靈遂以前數詩并盡山吟稿云

冬夜偶成

有引

乾隆五十有四年九月蒞廣靈縣事民既弊勅撫之愀然又以交替事于役在公近臘矣不得寄一紙家書因而有作何心出岫落窮邊枯盡形容白盡顛野有凍亡少長榮家無搭石况殘年愁併塞北風號夜夢斷江南水接天却羨黃州負外置閒居尚食酒囊錢

題梧桐石有引

飲郡齋見黝石一段鑿梧桐石三字不知何代物也石作析木紋云是相所化或者疑焉顧余觀易緯稽覽圖云治道得則陰物變為陽物其反也則陽物變為陰物是知二氣幻化靡所不有即席賦二首呈太守公公時將去郡末句故及之云

沉水化峯香自斷老松幻石性能移游魂為變尋常理與樹摩挲焉用疑

本是琴材罽陽產笑成磬質泗濱浮却憐一片剛腸冷無復知音爨下灰

登嶽一首同黃刺史照作

桑乾外抱東北奔抱門山者水名渾渾河一委承八源逕西

南流桑乾入八源所出勢難論絡嶽之腋洒嶽跟跟有一峽  
水潺湲架水作棧梁鼉鼉懸壁之下厚陰昏背入腰轉攀天  
門無數山壅困廩屯五臟六腑互為根嶽包如心臟腑君厥  
心中空厥頂髡勢堯左右微軒軒形家乃以鉗為言直言導  
脉從崑崙萬里入首臨中原泰山如坐嵩如躡如行如立衡  
華騫此山獨卧自然尊石不璣瓏草不蕃太樸一氣稟混元  
周三千里蟠外垣錐指之地太極存上應虛危擘中分壁開  
如幃如缺盆負陰抱陽向午瞰直午一峰如守閭貪星變庶  
火煒煒丙張丁柳無偏反天造地設非強云奈何立廟羞顛  
繫昧厥宅中旁是授當年議祀聚訟紛曲陽飛石誣愚昏只  
今襄柔百禮悖明禋釐正神所欣那更遷廟移鐘鼓宅幽都  
正如中軍如人坐車前式轅還元洞封靈寶文會仙府集羣

真樵僊之人兮。渺白雲兩伯之樂。何處聞仰瞻俯睇。盪心寬。側身衷古蒼烟痕。黃君守土古治敦神。之聽之民無冤。邀我登嶽謁帝孫。題名嶽壁。聯麓墳。勸我作歌辭。復溫我無筆力。扛鼎翻敢繪。日月摹乾坤。昌黎遺誠時。乃謏雖欲悔。舌不可捫。

附錄恒嶽題名

乾隆歲上章闡茂月正月望有主客二人同登大茂山展禮畢相其陰陽客言主山應虛危針路為至中直午峰得蘆貞象乃二五妙合天然之正位惜乎立廟者舍正就偏且統外勢亘數百里如卧而主山內包如心故於文从亘从心主曰客之言然客復詢巖下井泉故無名盡名履一泉主復曰然然則吾當築亭榜之主知渾源州事龍溪黃

照客知廣靈縣事秀水朱休度同官曰僚至聯名鑲於壁  
於是客題主書

示客有引

余應除官十五年不謁吏部選今始一出可笑已客有舉王  
逢源贈朱昌升詩云身軀雖小胃腹寬沛如絕海橫秋漲久  
宜脫絕事高致豈顧卑冗勞俗狀誦此四語似余余則何敢  
望昌升也乃近狀之糾紛客頗悉焉因卽用逢源原韵率成  
一首示之

古人商治也兩難為繭絲乎為保障興民廉與施民奪須知  
草偃風所上哉生枳棘甘自棲人間鸞鳳跂焉望倏將六甲  
過隙光渺矣一萍泛溟漲少無媚世婢娟姿老學登場傀儡  
狀況來邊邑風景凋窮山窮水窮游杖窮山窮水窮財主  
廣靈縣志也見縣志螳思拒輟

臂難撐蚊已負山項敢強天下官民依岨邛無小人君子莫  
養祈天雨賜兆歲豐樂我婦孺趨春餉我獨飢凍寧怨尤了  
結公私快相向善補還愁甑已破難盈更怕庖無當漫論勸  
學起弦歌且願催科免笞掠安得左司半日間掃地焚香受  
清況

疊前韻

邊風狂吼邊雲飛撲面驚沙手難障我來廣陵勝在漢曰延陵元曰廣陵冬及  
春冉冉趨府三謁上桑乾鐵橋石虎巖馬蹏一蹶生難望午  
餐麥飯和屑麤夜眠土坑熏烟漲違世話言齟齬形轉腸心  
事轆轤狀我歸迎候慙我民兒童叩馬老扶杖陋邦人量雖  
褊淺瘠土人情少倔強自傷為仕轉添貧不比娶妻還佐養  
亂山深處也知禮慈醬野雞時一餉祇為公私逋積深官符

火急愁相向囊空那得鉤錢看金盡料難點石當生計肉瘡  
憐剗補衰年筋骨如拷掠宦海前車後鑒之惻然傷我同季  
况退感育  
泉无也

絕句二首

圓鑿何由入枘方偶然相值漫相當小優扶作逢塲戲老女  
羞為新嫁娘

一官笑比空倉雀八口行為枯肆魚便告妻兒將不信幾回  
停筆寫家書

始遊南山寶峰寺

一塢如兜向北東中有如毳千萬松兜作佛坐坐銜月毳作  
山衣衣滿風塞山誠壯體頑劣不蕃草木山山童誰料硎礪  
硃硃裏居然小窟藏瓊瓏後山左臂盤盤入忽入大窳圖畫

中嶺浮翠暖麗如許銀海光刮金篦功若移寶地置通邑早  
誇勝概題名公乃今埋沒久無問非爾縣官誰別後吁嗟乎  
縣官之俗俗難醫縣境之陋陋於夷餓隸如鬼鞭之叫逋糧  
如山責之疲惟習虛文畫尾謔了無實政蘇邇黎屋如籠繫  
城如斗間行寤坐愁容癯今朝蹕馬得來此無小無大生歡  
喜相與俗吏湔厥腸更教陋邦洒其恥不聞坐上龍眠客有  
言我今恍惚還家矣

客有桐城  
人為此言

### 憶內二首

一身鞅繫小壺山虛榻孤燈冷似鰥頻夜夢回鴛水閣幾時  
生入鴈門關  
凍齧酸齏分苦辛知渠定不厭清貧獨憐相背五千里都是  
平頭六十八



次山谷韻一首有引

黃山谷有漫尉一篇乃庚戌為葉縣尉時作余為廣靈令適以庚戌歲閱其詩適有觸於余懷遂次其韻成一首夫論筆力則勁箭之與枉矢非可以彊弱較顧昌黎謂物不得其平則鳴虎嘯山龍吟水鳴也姑啼月蛙吠池亦鳴也蓋各聲其聲耳知我者必謂此詩乃述懷非擬古

我生不敢狂一味拙而癡

山谷起句云豫章黃魯直既拙又狂癡

二十為人客四十為

人師六試罷燕京三年留越谿不勝杯杓物不愛樽蒲嬉刻意向文字苦心別醇疵言過覺已踈事過嗔人欺諧令亮無術望古誰與歸勞勞足生齒斑斑首變黎冬水涸可待秋花開過時就木而後嫁國人皆笑之語國人莫笑陳言舉一庖我今閱世多處後識前規任癡難可改守拙寧復為如轂隨

牙轉如草隨風披漫聽而漫應何慮違世機漫予而漫受何  
畏乎人譏詩家渾漫與下筆不費思亦有汗漫遊掉鞅不受  
轡弦急絕者多齒剛存者希漫狀無我相漫趣觀物齊漫與  
尚折胥漫尉亦推眉僑也喻獲禽偃也妙割雞能者無不能  
知者無不知知白却守黑履險自如夷逍遙學蒙莊平等學  
牟尼公退一爐香默坐坐如尸念我素衣裳早染京洛緇牀  
稜聊可摸管竅亦可窺我豈物凝滯不與世推移笑者嗒然  
退誦戒山谷辭

同人登陽高縣城北臺

雍正初升縣城因洪武年兵防前代警文法近時宣中外雲  
門限東西星驛連登臺同指詆今昔一蒼烟

雲門  
山名

又一首同陳明府作

入關水注東津遠

東津村名

擁背山連右臂高龍虎形偏焉得稱雞

豚風儉庶能操貧逋尚奈催科拙春作良知望歲勞且喜井

泉甘可汲憑闌小試武彝毫

泉伏城根麓作五大井架轆轤於臺端而汲焉是日明府以武彝細茶烹之味甘甚

### 回途過白登堡

赤帝當年困白登未暮寒幾家荒堡在百里戰場寬顛蹶世間易馳驅吾道難大風休要起明日渡桑乾

### 過火燒嶺三首

澗陰山惡斷人家石角勾裾妨帽斜冰下流泉冰上雪春深那得一枝花

當春午暖谷風輕不比三冬畏虎行我僕嘻吁燕馬汗敲冰喫雪半山停

有鳥生山無樹依石間鳴躍得生機

鳥名石雞宿石窩中

草根也宿小黃蝶

鷲起一雙掠面飛

過小關村問農事惻然傷之口占二首

荒溝亂石不成村  
頽土墻邊破板門  
怪道春來東作廢  
十家能有幾家存

逃丁棄地無人種  
也有人存地復荒  
借問山農何太懶  
賣牛都已納官糧

春暮偶成

春飈蕩中野  
荒照低邊城  
驟天漲陰色  
裂地奮空聲  
川凍冰含漸  
山枯草掩萌  
滿目寒態乾  
幾時生象榮  
入室聊拳跼  
出門徒屏營  
采蘭枉上巳  
折柳辜清明  
忽有南蠻子  
吳歌宛轉情  
休唱江南樂  
羈耳難為聽

夏日壺山小集漫題十四韻同張廣文鄭尉諸人暨吾

家阿同

泉圍山寺柳圍泉孤塢如簪棟寺顛面面迎窓排遠岫邨村  
隔浦引長烟天遺佳境人誰管野落閒雲僧自眠荒艸池塘  
鷗占浴冷風屋壁氣偷穿那添曲檻迴廊繞更著青簾白舫  
牽樹外補堤循坦坦壺中疏穴導涓涓山中空貯泉如壺故名上有穴投以果物輒從山趾前後派出今穴為土人所掩岸達斷霞裝橋接磴向斜來起閣偏名士品題應倍價  
美人雕飾定增妍只愁室費三年築且喜官誕半日禪異地  
一邨烟月在同僚數子性情便扶筇每到臨流憇試茗相招  
候火煎苔席停杯宵雨淨石枰就爽午陰圓行年老矣田園  
廢作吏勞哉坎壤纏波影戀光忽疑夢一灣銷夏五湖邊

雨後再飲壺山作

何須彩棟與雕牆一簇林泉潤有光花底涼觴通水活樹陰

繫馬歇風涼便輸河朔豪華飲未讓江南烟雨鄉况藉甘霖  
慰秋事頓忘羈宦落邊方

七月二十二日飲城東白氏菜圃散步看南山得二十

韻

居官身似縛出郭面初開遙野浮光起秋巒撲翠來門寬新  
掃徑亭小獨安臺爽併愁心燕高將病眼擡取便皆脫帽隨  
量各分杯雅飲無苛政傲詞或善詆牆頭窺婦幼樹底卧輿  
僦罷席登原上扶筇立水隈村疎人指示境曠衆徘徊更覺  
南山麗斜收西照回傘張千摺棧去聲斧劈萬層苔二李將軍  
畫五丁力士鉏脉連恒嶽近星應祿存該拱峙形猶壯衣冠  
俗早頽移風吾老矣閔雨歲艱哉偷得浮生暇相將薄命推  
是日與杜孝廉論星學桑榆嘆已迫桃李鮮能培異域情恒盛同羣性不猜

晚禾聊待割秋秣幸成醅但博幾場醉狂夫焉取裁

廣文先生檢投牒欲去走筆留之漫用老杜醉時歌韻

一行作宰山西省

元以諸路為行中書省至今沿稱某省未為典也種抑韻而已

比我當年冷官冷宰官

尚歎食無肉廣陵廣文飭寧足清河先生安邑貢邑古王都  
先祀宋地靈所毓厚少文命蹇有才老不用先生與我人共  
嗤兩面凍梨兩頭絲古有朱邑我多愧今之張蒼君勿疑年  
差一紀呼君兄腹負五車乃我師塞涼暑退宜清酌聯騎晨  
遊歸日落風潭半頃柳千章碧玉壺中小邨壑

昌黎水作青蘿帶山如碧玉簪余謂

但易簪字為壺字以題壺山恰合也

醒裏邀商讀史評

先生熟史事

醉時送卧尊經閣奈何

便思歸去來同舟之客同岑苔天地浮萍焉定哉一瞬歡如

一聚埃濃茶七椀碁半局少安毋躁且銜杯

先生嗜茶善奕

偶閱陳簡齋建除詩戲次其韻易為今體不欲竟似也

建白非吾志，飢來遂被驅除官。聊百里閑席，有三餘端目山。  
川陋連年戶口虛，平時慚趙瑟。末路濫齊筭，定坐恒教睡。離  
家更孰娛，執身甘襤褸。被服謝襜褕，破屋懷愁壑。額禽翅倦  
舒，危乎炊就劍。安以步當車，成敗常無握。妖祥自有區，收竿  
早應計。戀棧待何如，開秩六旬遍。歸程雙棹迂，閉門何日隱。  
塵外網寬疎。

秋夜題鄭尉行看子五首

君住巴西我浙西，飄如客燕共巢棲。離家各有五千里，怕聽  
東風杜宇啼。

君髮青青我髮蒼，可堪一例論行藏。兩邊官舍如僧舍，秋雨  
秋燈隔半牆。

漫唱涪翁漫尉篇，日長無事正蕭然。園扉生草庭羅雀，贏得



人呼鄭少仙

余邑嶽空三年矣

白哲鬚鬚看逼真此圖只合寄慈親自今遍揀茱萸日不美

堂前少一人

君有母兄弟五人

閑向城南日日嬉粗茶濁酒共低砮他年歸踏綫眉雪莫忘  
壺山暑話時

### 夜來六韻

薄俸真雞肋煩文似蝟毛深知宜枉尺悔未學操刀懸室何

堪恃七隣也覺勞

無以應求者杜往稱貸與之

平生啗盡席世事宜教猱地遠

身難脫年衰病易牢夜來鄉夢斷刮枕塞風號

### 生來六韻

生來蒲柳質少壯強支吾久染馬卿病新添處子懼看花愁  
短視繫帶怯長趨頭禿霜餘鬢顏乾粟起膚眠餐羞自審登

頓脣人扶最苦拘攣手臨池鬼畫符

擬古詩為滿洞子妻作

乾隆五十有二年雁門關以北歲大饑父鬻其女夫鬻妻三  
陌五陌得錢便相隨彼畧賣人者官禁弛連車累載驅之驅  
之南出三關北出口不知日凡幾廣靈縣北山有羊圈村村  
有美婦人年二十一絕世姿是為滿洞子之妻滿洞子田家  
裏上無父母下無兒自食其力足自支嗟哉逢年凶男無傭  
女無紅湍洞子累日不舉炊彼畧賣人者早窺之謂滿洞子  
汝何癡村之人父鬻女夫鬻妻不知日凡幾我為汝計汝得  
錢妻得美食衣活汝兩命計不出此汝何癡滿洞子以告妻  
默無一辭以淚揮又如足數日可奈饑彼畧賣人者早覓售  
主來一見大歡喜議錢三十貫諾諾復爾爾夫妻將離滿洞

子默無一辭妻則言但先得錢一貫以備一夕炊令我稍治具詰旦便相隨夜乃告夫汝今齎錢可作數日糧迺之他方汝是好男兒為人傭人信之自食其力足自支我俟其人來當死之誓不相追隨滿洞子聞之哽咽不得哭乃復相勸勉相歡款其夜天陰月黑風慘悽東鄰西舍竊無聞但聞絮語隱隱哭聲低哭聲低天雞啼漸漸人來往滿洞子家半掩其破扉扉掩人則疑啟視乃睨胎一貫錢橫地赫然挂兩尸驚動村之人闐然來觀莫知所為無錢買棺合甕埋之吁嗟瓦棺古有之瓦棺又奚悲雙魄埋矣雙魂抱在淵當化比目魚在天當化比翼鳥我歌告惇史子姓者陳妻則李自古皆有死滿洞子妻得所矣

溫烈婦詩

有健婦貌不揚眇能視勤操作屏甘旨夫出傭家自理有寡夫鄰家子叔嫂呼受直使秋之日黍薿薿同刈黍中野裏野無人狂風起鄰子張膝前跪求野合辭軟美婦四顧情急矣急計生諾爾爾給之脫脫如駛捷有神奔家裏氣填喉怒噤齒頭觸墻足翻几謂今我是必死有子婦急抱止張踵至乍窺俟聞聲竄顛厥趾村翁媪來勸止申申詈詈鄰子夫聞歸歸挈子復交勸勸勿死謂必報此犬豕不良計慎勿爾婦罔聞號天只五晝夜幾轉徙其夜眠稍帖耳謂無虞守者弛夫晨興挈其子往刈黍中野裏小婦炊炊未起微聞聲識姑履急起追赴井矣村之人閑聚蟻井八丈一丈水縋而出赫然死上下衣表及裏密密縫不見體烈哉婦勇有禮婦何名何宅里廣靈縣東北鄰羅家墮溫馬氏馬之家並莊是是蔚州

州南鄙生在此嫁在此兩村人有光矣吁嗟乎士行己責有  
恥耻道喪風斯靡烈哉婦磨不磷涅不滓義舍生棄如屣時  
之人號男子習夸毗尚輕侈以事君以友士焉足恃視此婦  
顏有訛

九日上寶峯山寺雜成七首

黃菊幾曾開白衣莫送來無聊上山寺風雨有空回  
馬上茸裘薄山中凍雪乾江南吹帽客露頂未知寒  
遂宿招提境一林冷月高萬松吹入夢疑是曲江濤  
王子興來乘雪杜翁老去悲秋終日簿書束縛一歡耶解千  
愁

圓圓覆釜形俾左抱右抱泉流他日繭窩自擇焉得樂哉斯  
邱

窗中列岫白漫漫天氣江南數九殘笑比藍田崔氏宅青山  
都作玉山看

萬里登高藤一根塞夫賴汝得孤鶩何年更借扶持力歸上  
吳山望海門

新得古藤杖  
一枝佳甚

喜食蟹二首示阿同

鄉味秋風萬里賒鱸肥莼熟正思家驟逢堅甲經霜到忙喚  
添丁置酒許欲挽江湖娛白髮有因窮僻負黃花只愁郭索  
橫行去驚得羗童避爪牙

江湖字恭用賈耘老詩此間人  
不識蟹真有秦州怪物之疑

迢遞津門走販夫一肩壓擔細包蒲向來食客誰曾見從此  
監州不必無兩度萍漂記沾水

余往年曾  
兩客津門

三秋羨老夢汾湖商量

供得幾番醉親為區分付竈奴

代書詩答武陟王明府復

來書百有十日到開緘一幅高麗牋淡紅繭紙濃墨字行押  
筆勢何翩翩後頭至尾讀了讀曲曲折折情聯綿上言今春  
接吾札頻慰飢渴六七年謂我愚籌亦得一知君寬量真若  
千歌後芻蕘咨詢無加耳草木臭味或有焉六平中言無蟹有監  
州不得快意專城專案如亂葉更堆積客比亂山相接連况  
復邑當沁河會伏秋防禦煩芟捷如蜂攢衙早及晚終日坎  
壘其身纏又言宦海路常狹人情楚越肝膽偏莫可訴人聊  
訴我男兒懷抱絕可憐因之回憶故鄉樂紅裙綠酒西湖船  
心無罣碍身無縛事如星流如夢遷下言生郎第五歲能誦  
學而第一篇丙午小兒日辰吉丁辛老屋堂構堅湏知萬事  
君足矣只此一言我戰然君面千里恍如覩我腸九迴奚自  
宣君治中原文獻古我落殊方物候愆天寒地瘦歌芳草水

陋山荒空冷煙迤丁通賦莫稽理秀民社政相因緣官符火  
急雪片下十室空九空磬懸肉無可剜瘡無補治絲已縶何  
術全堂上書生搖白頭適丁我躬不後先大似盲人騎瞎馬  
焉知平地投深淵參劉迎句况乃年衰不任事病深筋骨如遭鞭萬  
里兒啼并婦嘆一心藕斷仍絲牽閒推陰陽究消息六壬三  
卦能知前妄想蔗甘得荼苦賦命塞薄誠由天數雖前定識  
難破憂當粹發情欲顛自痛自癢還自撫誰更替我分愁煎  
今日立冬冬戶閉坐我土炕磨硯磚以詩代書信筆下語麤  
詞曼無貫穿終如吃人口艾艾莫能達我心拳拳別寫數篇  
寄君覽勞者有歌多念憎君其拉雜摧燒之勿使苦語人間  
傳

為韓生椿壽題其母孺人像



國初南村韓孝子救父脫賊代父死韓一風事載縣志精誠裂石驚鬼神  
天之所報宜續似子既生孫枝且蕃乃有豕孫早沒齒遺四  
歲兒泣呱呱零丁門戶并蜂起賢哉健婦當丈夫辛苦撐持  
仰天矢苦藥之苦寒冰寒冱無波瀾智并水撫孤教孤勤且  
劬畫荻丸熊古之止孤今生兒兒成丁母壽八十又一矣七平反  
孤也純性遠澆漓木訥近仁心達理我政激濁揚者清如孤  
為人我所喜以公則至私無干匪秉母教能如是母貴大同  
系出姜有弟從軍躋顯仕母性松柏節堅多宜享大年殊草  
靡孤盡母像徵我題泣述母行泣不止吁嗟乎素表鄉風薰  
後人韓休家訓光前史孝子後有賢婦賢如響在此應在彼  
孤今努力其承之善氣所流積益美必有餘慶降百祥夫子  
言之書云爾

偶次仇山村韻詠懷十首并引

元仇山村有書付天平僧詩十首載高氏銷夏錄不著何題也評者謂山村暮年退休時所作其冲澹閒曠之意藹然可謂達生委命者卒章有句云萬里鷗鵬何必羨一官蟻蝨不如無何其似我耶憂從中來率然有吐借韻綴成不倫不類無可言詩律也

今古閒人有幾人悠哉沂水舞雩春棄官彭澤陶元亮乞骨山陰賀季真已落風塵難可企便教摧折莫須嘆浮休生死行雲爾六十年前無此身

浪傳雙舄化鳬輕無翼誰能奮杳冥笑煞微禽癡半過塞外小鳥名半自欲療愁慳酒量客來強使倒三緡

癡見徐文長詩

哀哉老馬險多經北庭雪早頭添白西郭山寒眼改青

為高也要藉邛陵晦室何由眼乍明官事祇藩常易觸世情  
蚌鷸枉相爭縣非潘令花饒笑家少顏田筆可耕有日歸山  
脫巾帶秋蟬蛻羽一身輕

莫管人間厭腐儒士貧合受鬼揶揄看似玉終非玉濁者  
如塗更附塗生計早疎伯龍拙讀書未悟子羔愚打乖何處  
尋安樂欲覓鵲夷返五湖

自推消息自知年百算無如守我元因仕更貧囊裏洗積勞  
成疾藥為緣虎威吏子假裝面鼠技奴兒工數錢誰耐周防  
到渠輩早衙發鼓且高眠

婁其一榻老禪身軒竹庭梧夢裡春

余家梧竹皆余手植塞外無之

遠道綿綿違

歲札曉星落落故交人驕兒學廢後眠甕

家中河

巧婦炊難莫

指困聞說江淮米價貴南鴻未到怕還真

不見山梅與水桃  
水枯山瘠異神皋  
早防秋野催霜急  
常沒春檐受雪高  
增歲漸消曾裏塊  
淺交祇畏笑中刀  
公私如髮逋難理  
一片清心付濁醪

泉抱壺山明似鏡  
巖抽筍石巧如簪  
在壺巖洞破荒小有玲瓏趣  
過

夏聊生歡喜心  
平世不煩催賣劍  
清風祇愧學鳴琴  
牛羊未

壯短芻牧獨立蒼茫愁自吟

泰用數  
詩歌

城依山脚半藏風  
善建還宜改向東  
今縣城建非其所宜移東三里許在壺河大轉抱覆其地土衍氣寬龍水

野會勝今  
雲多矣琴瑟更張應早計  
瓶罍都罄孰為功  
况慚有負身纏

繭欲寄無書目  
送鴻幼子童孫牽入夢  
淒涼應念白髭翁

老來文字障難除  
甘與人呼學究儒  
賴欲築亭書隱吏  
閑思

著論踈潛夫  
深知清慎勤名好  
難遣金龜癡念無也  
識浮萍

生是寄未堪窮鳥  
集於枯

戲題十國春秋各一絕聊箋示塞上生徒

無端輕擲一罏香半辟淮南再世亡羸淠揚州小兒語至今

喚蜜作蜂糖

罏香吳晉帝被難時事吳氏避國諱故揚州人呼蜜為蜂糖今猶然

楊花飛雪李花秋幾輩侯王等竊鉤銀梳打標兒戲了一江

春水向東流

南唐說渡船勝者給錢帛銀梳謂之打標後因藉為凌波軍也見戲用後主語

休問牽羊指鹿詩當杯不醉乃真癡故應好吃雞燒餅王八

兒家是餅師

盡羊齋主尋傾國指與奸臣盡喪家僧遠公弔蜀山句有酒不醉是癡人蜀後主詞也史稱蜀祖建先世嘗為餅師歟後食雞燒餅暴殂

一个男兒七寶粧冰肌玉骨兩相當如何割斷鴛鴦余夢未得

相隨葬洛陽

冰肌玉骨清無汗蜀主贈花蕊詞也一个男兒借用花蕊詩字鴛鴦袒所製和琴洛陽花蕊墓云在閩

五羊城據百蠻間也號飛龍欲上天笑殺南薰深殿裏焚香

抱得媚豬眠

南漢王龔作南薰殿鑄製極巧時香有氣無形媚豬者銀所鑄宮婢被所女也

馬得料時馬嬉游馬打鞭時馬怎收堪嘆眾駒爭棧起羊兒

猴第一齊休

廖佳圖歸時人有馬洋料必肥之語武穆喜之鞭打馬者當時謔語謂過錫也衆駒爭皂棧用許德熟語時又有羊為先猴作弟之語而希範已

未生希崇壬申生皆驗

大好婆留井上兒勃興霸業百年基未嘗填却西湖水終遣

銷金沒了期

昔有術者勸錢王填築西湖以為公府弗從沒了期錢王時謠

潮來潮去有何常門閉門開亦太忙掩耳羞聽門外語九龍

帳裏一歸郎

潮來潮去關雎也王審知有寧為開門節度使不作開門天子之語惠宗時國人歌曰誰為九龍帳惟貯一婦郎盡為金鳳作

小邦得力孫書記先輩能文梁秀才怪底高家無賴子也曾

讀過孝經來

孫光憲梁震益荆南人武信王嘗稱震為梁先輩也文獻自言余所讀不過孝經十八章乃對漢使曰敏語

摧枯拉朽又奚悲三十年来公強支早被雕青人送汝千秋

痛哭李驤祠

比漢主曾為驤立祠太原

辛亥春日侯寧居雜成五首

一厠賢書四十年中間泡影事茫然龍蛇歲近行歸土張角

星垂休問天舍爾妻孥寄懸磬為民父母泛靈船焚香默誦  
蘇州白邑有流亡愧俸錢

敢因貧窶怨天涯異域相遭事事乖騎盡驚才斷舟楫食多  
羶味久魚鮓生憎荆棘偏當路竄喜芝蘭不近階况值江南  
春正麗朔方曉夜坐風霾

此來進退觸藩羝學道何成笑割雞心似枯僧猶食肉身如  
孤戍不念妻仙丹勾漏人無分春雪滹沱馬易迷近自代州回日晚  
鬼扶升屋望遙天鷗沒雁南低

休擁黃紬懶起牀如丸邑小要周防扶良湏拔侵苗莠療病  
難剗貼骨瘡吏法無奇在寧壹民情可見未禱張廬陵就閔  
夷陵案道邇何煩覓遠方

得非堪喜失非悲老矣粗能學喫虧好悟盈虛天上月未分

勝負局中碁堂裏燕雀靈依舊樹倒猢猻散有期滿百所須  
惟滿腹枋榆飲啄更何為

附錄侯寧居贊

子不語乎死生有命原始要終造化前定珞琭之術知微  
知彰三三數盡我其歸藏六甲週矣尚待六霜何川不逝  
何州不黃一朝之忿豈非惑與千載之憂亦諗癡符得過  
且過欲逃莫逃默存順受無碍逍遙敢曰身修姑免心勞  
昔人達觀作永息庵今我如如題侯寧居問我曷名休度  
姓朱

右明  
額尾

聞秋塍移商邱令寄訊宋氏西陂

少讀西陂記

先太史所  
撰見宋集

中年東汴遊文孫因譜合清夜把觴添

編津  
山人

孫瑞金與余  
同舉癸酉科

近說黃河泛堪悲綠野秋平泉多艸木遺種得傳不



七月廿日行部途中作示村農

曉雨迷離午雨涼，問農過嶺放斜陽。  
剝憐禾稼高如許，敢惜衣裳濕不妨。  
縻子婆娑風擺影，蕎花璀璨雪生光。  
遲收幸飽今年飯，早計須償去歲糧。

八月六日得種梅居士詩札次韻述答二首

才微歲晚百無成，題得新居號俟寧。  
常拊良心羞衆好，邑人號余為良

官每支病骨怯餘生，夜吟閃閃風搖燭。  
晨卧茱荒旭照楹，萬里親朋睽一字，秋窓誰共話孤清。

忽傳詩札落南天，關樹江雲隔四年。  
知己終身難得一，愁腸

盡日欲迴千鷺湖。席舊風涼託雁塞，人勞簿領牽龍便北庭。

遂初服更束東郭，坐青羶。居士近主貴溪講席

答鄰初十韻

老夫朔方吏愛壻鄴中才南國長年別東牀短札來乍持心  
不定已閱手頻開喜爾詩篇俊憂予筋骨頽婦愁聊慰藉翁  
健好趨陪春繭絲絲結秋鴻信信催意深無語答數滿有時  
回顏并酒教釀范湖花更裁事防歡懼并期迫鬼神排偶示  
幾先話藏之幸勿猜

余自推當以丙辰去官戊午辭世故與鄴初札及之

八月十九日雨夾霰遠山白矣廿二日晴暖出遊壺泉

### 率作

早雪山易消新霽天彌罔放衙一抽身出郭四延頸峰澹烟  
色微水閑人意靜涼野噉鴻聲秋潭落僧影風揚黃欲脫霜  
柳綠猶冷嗟老衆草衰慰飢新穀打鳥遊定倦還川逝發深  
省塔鈴急急語催騎斜陽耿

庭菊盡為馬嘶嚙

昨夜甌生塵幽人心自寫豈乏秋菊英欲餐乃姑舍菊花何  
太苦橫遭此厄也物理忒難推物生洵是假責馬馬何知門  
無門焉者責門門有詞其咎原非馬菊品誠高潔菊致誠閑  
雅謂當珍席上詎宜頽堂下園無深屏張護少曲檻五平亞五仄荒  
庭雜烟莽頽階擁土苴位置隱君子為計本苟且况乃塞土  
寒八月早霜洒屋破常籠統門破常豁開守者懶且惰如聾  
復如啞一朝闖然入機動禍速急有美勿收恤委諸一網打  
人實不愛菊誰能怨飄瓦堂上俄書生頭白面發赭三嗅無  
馨香臨風淚滿把寄語愛材人大庇須廣厦種蘭休當戶采  
葛休棄野

將卧題鉗菊八韻寄和兒

一口青花簪三五亭菊朵靜意耐欲忘佳色淡彌安采榮伯

仲間薰著商量可辟風寒吹汝燈影窸對我瑟居擗響入深夜憐幽頗廢書小跲蹶回睇重整穎密爾假細娛恍予悄孤坐阿同知奈何送旅夢阿爹時遣南歸

九日過渾源黃刺史携飲新構知樂軒

亞字闌干曲尺池柳遮菊映到軒墀忽逢濠上觀魚樂軒臨大池舊金

富欲忘雲中斷雁悲時將家書久矣絕壁光迴杯可掬秋陽色杲帽後

吹去年風雪僧房冷未抵今朝歡燕宜

又自嘲一首呈判史

堪嘆西風老據鞍石梯沙嶺路漫漫羞將短髮還吹帽誰假長年不挂冠宿醞多煩供我醉秋英耐可借人餐一官奔走

空皮骨舍爾焉知范升寒是日判史借衣以行

過應州口號

渾河西去潦涓連百里平浮土竈烟戶戶煎鹹官不稅何須  
并鹵變桑田

十二日自山背上雁門關作

千里橫巒西迤東三關設險此當中左連元嶽暮雲合右控  
黃河古驛通客鬢霜凋驚落葉家書秋冷斷飛鴻可堪廣武  
城回望大漠殘陽大片風

過前年覆車處

雄關虎踞徑螺旋百丈深溝三尺邊若使當時身便墮今朝  
那更上青天

題方石

方石大於櫃綠色紅帶圍愛爾有廉隅束身兼有儀惜哉棄  
道左文采無人知堅貞幸自保霜雪焉能欺我來三摩挲徒

被樵牧嗤

病中遣悶

少年不學老徒悲，病裏工夫小有知。  
游好閑尋三卦爻，玩占深嘆六壬奇。  
人間消息渾如夢，大道須臾不可離。  
秋草自憐霜降近，著衣喫飯待歸期。

三卦出形家言

題胡尉醉菊圖

繁塞枯寒地，黃花寂寞香。  
披圖逢寓客，把酒炙秋光。  
晚節憐余短，豪情愛爾長。  
卑栖一枝便，不用傲風霜。

冬十月長少兩男迎春至

三年漂泊信音賒，一昔團圓宴笑譁。  
纔卸行裝堆亂葉，早占夜燭結高花。  
未愁柴米先愁冷，爭話程途又話家。  
相對更闌如夢寐，不知窓外曉鳴鴉。

竄號人間行路難飛狐倒馬朔風寒少年竟冒千山險老罷  
何曾半枕安異日還家仍膽落他鄉就我轉心酸阿廉留得  
持門戶幸免荒庭松竹殘

于役出塞途中口號五首

老牛坡上眺中邊水送山迎土脈連一線長城空築斷豈知  
形勢失天然

葬書勢為  
上形次之

旋鴻池遠水源通屈曲來環鎮治雄經野分官三十載居然  
草地有華風

謂豐  
鎮

野曠沙平莽夕陽流星峰起作貪狼欲尋結穴歸何處走馬  
搖鞭得得忙

山頂遺碑幾百年於今圖圖聚村烟廓然中外一家日故國

邊牆平及肩

今隆盛庄北有明永樂間所  
築邊牆故址其碑在山上

馬頭北向水南行離却三雲又數程風土茫茫雙眼昧不知

今日是清明

壬子三月十三

塞外遇東吳徐居士以清明感懷疊韻四首索和荅之

水萍風絮舊生涯甚矣吾衰媿歲華況是青春日將暮相逢

紫塞客思家李陵臺畔人烟冷秦將城邊柳色賒三月窮秋

天莽莽一年能見幾枝花

元遺山詩道城三月似窮秋

草萌忽覺在天涯火硯猶寒寫物華敕勒山風高捲幕滄浪

亭月遠違家賣錫虎阜春何開拖菜駕湖夢亦賒此夜呶嗟

聽哭節邨堪相對落燈花

邊俗婦哭以清明夜哭於家謂之哭節

萬里雲天渺一涯空吟傳燭憶京華東風勅報韓翃句春水

船浮杜甫家客興蒲萄杯裏淺鄉心楊柳篴中賒此時山對

滿頭雪故國人看婪尾花



清時中外化無涯雁戶新遷俗不華天似穹廬欣共托官將  
傳舍笑為家羞余把鏡行藏老讓汝加鞭意氣賒年少圖南  
須早計莫教頭禿眼生花

信宿蒙古界值大風漫賦

大聲撼起沙飛揚蓬蓬勃勃疾莫當頃刻漲滿穹廬黃粗沙  
撒豆細沙颺颺颺空無際天茫茫昏如千鯨吐霧黑轟若萬  
礮騰烟張猛如深林衆虎闐旋若大海羣龍翔砰訇眩轉無  
定方簾車偃馬屋排倒況乃客行顛且僵不辨人形不辨語  
白晝索燈燈滅光對面如鬼捉迷藏朔方宅高土脈厚冬凍  
入底陰拘陽更少川流與分洩噫氣春奮宜蹶狂當發不發  
曰違候鬱為地震翻羅殃南人骨脆輸北強見之縮頸有若  
懦卒臨戰場急掩戶櫺塞窻空沙飛落鱗穿屋梁噴滿几席

盈衣裳冥冥灰洞填五竅幾乎鼻息出入妨破羶冷炕草草  
煨微火兜衾拳卧如雲囊吼枕無眠夜達旦惴恍一夢還江  
鄉江鄉何所有春色鋪花柳澆面和風暖於酒

新晴入口回抵雲中懷古呈巴總戎作

大漠風陰塞霧愁新晴景色也開眸春波綠到長城窟柳葉  
青歸古戍樓拓跋離宮無茂草金源宿將有荒邱祇今魏尚  
雲中在可但書生泣白頭

春來一首柬同官吳人

春來絕國夢魂孤老矣微官尚步趨蒙面塵多人似鬼折支  
態俗吏如奴即填溝壑年非短苦學脂韋性頗迂不遇魯褒  
難論也喚將張翰急歸歟

餞張廣文於芍藥花下

萬里羈人垂老別三年離思殿春花與君後會知何地憐我  
迷途未有涯句注山盤無雨滑中條鄉樹入雲賒遙知門徑  
歸無恙滿眼兒孫一笑譚

仲夏再飲黃刺史知樂軒

去秋重九曾就菊茲晨當暑復觀魚西湖金鯽前生記南海  
珠蟾隔歲信者是日刺史出鄉味亭坐醉翁年獨長刺史長濠同莊叟樂  
何如柳風花雨成甘蔭且漫商量語遂初余七歲

黃刺史及其兩公子和余前後知樂軒詩見寄次荅二  
首

風流不羨習家池最記河陽花滿墀酒暖頻添燈夢喜霜寒  
未厭角聲悲馴看野雉庭閑伏樂任儵魚浪細吹更想階前  
拂雲樹秋窗子弟讀書室

筋力良難休棧馬功名未苦上竿魚他鄉賞夏題襟好知己  
論文退食餘恒嶽降雲長自合延陵閔雨待何如荆史嘗有下雲軒  
初雨時所題今夏

雨州境多於縣境計  
秋或有豐歉之殊也邨當北屋登禾後更醉高軒放菊初

縣無水族七月十日有蔚州道士忽以雙鯽餽其日逢  
先母諱辰遂烹以薦先母一生茹澹素所嗜惟鮮鯽  
羹也感而賦此

薦新無水陸思嗜正低徊羊棗焉能致魚鱸忽送來南烹雙  
尾猷北拜一心推老矣天涯淚常懷鞠子哀

自朝三韻恒蕪道中戲占

恒嶽不矜高渾河不矜清混混物易容坦坦路易行學山魚  
學水為官焉用名

秋日登應州塔作

三十六婆羅樹高其圍如數勢雄豪天開閭闔諸宮殿人立  
雲霄一羽毛大茂而來山疊疊桑乾東往水滔滔遙臨秋野  
茂苗長且慰邊農力穡勞

遊晉祠得六絕句

故國元來以水名泉流懸甕至今清長生蘋藻漾空碧逝者  
如斯萬古情

巍巍聖母儼靈旗廟古年深莫耀疑賴有太原閭處士證明

千載邑姜祠

近方伯朱公廷重修晉祠記曰聖母殿或曰水神太原閭處士瑣曰邑姜也  
母封聖母子封汾東王瑣從草間搜出宋政和五年殘碑乃姜仲謙謝雨文  
曰致祭於顯靈昭應聖母汾東王之祠惟聖母之哉詳筆  
晉室而開基王有文之在手其神靈之可知瑣言宜可信

昭陵筆法出蘭亭遺跡摩挲鮮石青不獨君臣唐際會碑陰

多少宋題名

唐太宗晉祠碑陰刻臣無忌臣瑤臣勣臣敬善臣道宗臣楊師道臣馬周  
諸人銜名又宋人附刻題名頗多有元豐七年通判邢平等數人錢太師  
王公還青社題名三行又有刻云熙寧戊申歲秋九月十四日范陽盧大雅君美臨川王安禮  
和甫清源王本安國同謁晉祠舍均福堂明日如白雲石曼卿宿明仙又明日游甘泉開化而歸本

題又有元祐丙寅曾布范子諒率賓吏請雨判官盧訥題名十一行又元祐乙巳丹陽邵康題名  
二行又元豐三年龐京孫等題名三行又政和乙未轉運使陳知存題名五行又刻云太原王安修  
世長廣平程易先之安陽將政謂公熙寧癸丑孟夏同游又云開封苗仲淵師顏自湖南提刑移  
本路政和五年十月晦報見祠下男丕侍碑右側刻有曾布自河東移守真定題名五行其塔與  
國吳安禮書又元豐七年溫陵呂升卿題名六行惠卿弟也其文左行又題云大宋至和二年四月  
十日邢佐臣余藻同來碑左側刻云臨川王安禮赴官太原過祠下因與錢塘楊世昌河東張仲  
資會於泉亭熙寧戊申三月十四日題又有前知澧州馬仲  
良等題名四行不著年號但署壬戌孟春亦宋人筆意也

古柏森森莫記年一枝虬曲更奇妍清陰半畝張簷角似蓋  
平來似笠圓

碧玉春流寫晉祠先公手筆藝林推劉君小楷周君跋樂石  
鐫來幼婦聲先竹坡太史游晉祠記一篇為藝林所推許故王新城隍詩有碧玉春流寫  
晉祠句也康熙丙寅詳符周在浹縣並與上谷劉星東新同官晉陽縣並故  
與太史交厚情劉以小楷書鐫記於虞祠各有  
跋系尾劉楷法工甚石刻今在祠東廊壁間

邂逅天龍一老僧深禪相對別秋燈清談未了風吹斷回首  
白雲山幾層宿朝陽洞之夕遇天龍寺老僧映川名照遠年七十其骨貌清奇深通禪悅  
詢以風峪石經云所刻乃華嚴全部也映川邀余遊天龍未果為之悵然

狄梁公祠

惟聖可達權魯叟見南子惟賢可託國絳侯安劉氏梁公聖  
賢徒大節炳青史禍水滔唐室砥柱中流峙藏器以待時堅  
白詎磷滓往蹇獲來譽濁河取清濟嗟彼北司晨匪人實天  
使鸚鵡早入宮太史言在耳知天其神乎知人亦難矣人定  
終勝天利在艱貞矢數窮機斯轉有亂必有理嗚呼天人間  
翻覆奕棋似

出雁門關口號

棧雲梯石上虛空山隘門高望不通幾度牽車盤磴過一間  
枯廟一株松

又成五字六韻

上關後流上下關後流下南北各廿里始出山之罅地險羅  
斥堠時平犁戰塲久無萬里警奚庸一夫當北雁飛飛來南

人得得去各有稻梁謀相逢不得住

七情詠和人作

喜

人生逢得意無語上睂端  
屐齒何心折  
羣胥忽地寬  
少年諄賜第  
遠客報歸鞍  
獨自嗔烏鵲  
老夫聽汝難

怒

天下不平事  
突來未有端  
匹夫手挺劍  
斗酒髮衝冠  
薄訴偏違耳  
微挑易激肝  
祇今誰好學  
養到不遷難

哀

庾信江南老  
屈原時命窮  
蕭蕭失羣馬  
唧唧向隅蟲  
夜續淋鈴雨  
秋生畫角風  
遙心差自慰  
中澤少鳴鴻

懼



投足春冰薄出門虎尾橫衣濡占用省索朽馭非輕惴惴如  
臨谷瞿瞿似奉盈三軍倘可與定以好謀成

愛

不見空搔首無言獨賞心異於游好淺種自宿緣深逐真錢  
名癖耽香書耽淫故知中散鍛也比伯牙琴

惡

憎處忘其美人情不自知餘桃厭彌子小扇障元規齷齪誠  
難語油油亦可師但令蒙怒遣奚必墜淵為

欲

古著惟危戒生民大欲同室來虞損下逐處咲頤中求玉何  
無厭見金甯有躬誰思郢國語勉致養心功

宋九僧詩世罕傳矣有從汲古閣所藏宋槧本鈔得一

帙依兒携至塞上因各題一首

希畫 劍南人

出世多間無我分敲詩長卧識君心泠泠素瑟沉幽意切切  
畫寄駱賓外有兄是多間日應懸長卧心之句又素瑟寒望十字乃送朱房詩也

保暹 金華人

席石眠雲癖早成靜中禪外句何清夜猿嘯斷螢沉影想得

吟髭白更生

暹有石席詵及眠雲歸未得之句又五言如吟苦人成癖年衰日長慵詩來禪外得趣入靜中平旅夢寒應斷吟髭白恐生並佳而草際螢沉影一句

尤微至七言則林下孤燈一般磨清猿嘯斷白雲深為最云

文兆 南越人

十年吳楚禪心老五字雲霞詩思奇何處詩禪合三昧春風

花落蝶先知

此有禪心混沌先詩思雲霞際句寂警又蘭芳人未采花落蝶先知三語清絕又吳楚十年客兼霞一夜風則江上書懷句

行肇 天台人

秋驚下池人不理夜螢涼枕夢初醒雪聲潭影苦搜白字字  
心弦世寡聽鷺下秋池靜筆句也夜螢涼枕夢初醒乃括用筆臥病吟金首意又有送僧廬山云香連潭影直磬聲微遠語最幽心弦五字亦筆句

簡長次州人

吟殘落日懸秋樹踏盡寒燕上廢城忽夢空山夜猿禽嶺雲  
溪竹若為情簡久於外恒有故山之思故晚次江陵云異柳無青識多難更難情忘日懸秋竹舊憐同性直前雲終鈞伴身閒可見其情矣簡有空山夜客猿句因為下一轉語

惟鳳青城人

秋燈詩寫秋鏗夢姑射向如姑射仙多事違心閒不得尚愁  
難了是塵緣鳳有秋燈云照回秋夢靜引夜吟長病鼠驚空穴寒蟬聚缺牆又姑射山云深淵飲渴虹蓮洞生秋雷句並入意又閒中吟興政多事與心遠則其自述於畫公者

惠崇淮南人

寫物精微信有諸數篇職了轉愁余水烟林雪憑誰畫空剩

流傳百句圖

崇以畫著寫物固精微楊仲宏題崇畫句也水烟常似暝林雪乍如春乃集者不及十之二三惜也

崇以畫著寫物固精微楊仲宏題崇畫句也水烟常似暝林雪乍如春乃崇書林逸人詩中洵有畫在崇尚有自定句圖五字百聯見別集入此

字昭江東人

怪底詩成髻上霜花留草總費商量欲尋一字愁閒放幾度

蒼茫看夕陽

六一詩話取字昭馬放鵬鵬一聯為佳句今觀全詩乃塞上贈王太尉云標姚立大數萬里絕妖氣馬放降來地鵬鵬戰後雲月侵餘墨沒燒微遠無分不慣為邊客宵荒懶欲聞蓋頌王德武息文意故第四句用開字取有神若作盤便無着矣可知瘦無推敲一字非妄下也他如詩題上與新又餘花面暮蝶曲草殘殘陽夕陽去雲外僧看慈山西鳥過明並昭佳句

懷古幾眉人

九首蛾眉剩一斑彌珍小律爛柯山定中安絕紅塵想詩外

知餘白日閒

懷古有寄問公紀慶無夢想白日自安閒又爛柯山二律佳甚其一云山家輕歲長生路烟霞無處尋其二云玉宇閑柯事傳聞不在疑百年容易客一局等閒棋六弄有誰見無言抵自如石橋南畔路依舊日斜暉

太守舉幼子此諸夢知是已故郎君所託生也題詩者

成冊承命同作

佛說輪迴信有之尋環覓印記前期曾聽圓澤三生事

太師藉批厥初

生時有女僧轉世之兆

又得非熊一段奇未了恩勤重撫頂每看嬉戲足開

眉西湖異日添佳話合建新亭續夢兒

十一月二十四日出得滕口

白雲不辭勞終日隨我行秋草不待人早霜墮其生行行長

城窟河畔無青青驚風割鼻耳幽日翳光晶病夫盼一宿土

炕五尺橫火煨牛馬矢薰人惡臭腥耶慰筋骨暖夜嗽冀得

寧偷生若螻蟻詩家一笑輕

吳梅村詩士屋偷生若螻蟻

自題納音繫辭後

六甲納音非強配五行化氣要精研娶妻生子空綳布未讀

紫陽論一篇

附錄舊作納音繫辭三十首 其序本朱子

第一甲十干十支 五子 納宮商角徵羽所生五行

維甲子乙丑納宮之金主客不相能戰於中林噫甚矣憊望見大水生大歡喜大趨就下以歸以藏莫測所之矣故其象為海中金

維丙子丁丑納商之水有敵於上其入也深有偏於左右其出也狹清且幽兮是為蒙泉之發故其象為澗下水

維戊子己丑納角之火火入地中其陽鬱矣况元冥之神錮之以陰奮而發聲百里震驚故其象為霹靂火

維庚子辛丑納徵所生一撮土之多金竊其上水蕩其下曷以自存有東北隅曾寄居我修我牆耶守諸故其象為辟上土

維壬子癸丑納羽所生厥木陰陰陰土是託衆水滋之其  
葉沃若故其象為桑柘木

第二甲十干十支

五寅五卯納商角徵羽宮所生五行

維甲寅乙卯商之水納之皆吾子也何以予之湯湯其流  
浮者畢浮故其象為大溪水

維丙寅丁卯寒納角之火真火有根火不炎一氣長生文  
武兼故其象為爐中火

維戊寅己卯徵土是納也性卑而高居匪好也臀困於株  
也則或相期曰幸自厚重高而不危也故其象為城頭土  
維庚寅辛卯納羽所生羽生是木木生地地支木位全木  
氣東方句芒助一臂春生夏長老橫秋乃不畏秋斧斤制  
吁嗟斧斤頭上斲若是荏苒柔枝早損感故其象為松柏

木

維壬寅癸卯納宮所生金是收何以百鍊剛化為繞指柔  
金則曰多子多孫吾老矣死吾休生吾浮也故其象為金  
箔金

第三甲十干十支

五辰納角

徵羽宮商所生五行

維甲辰乙巳納角之火火二則炎此胡不焚其林也障於  
水府之深也雖然氣遏者必散常有獨木出火自爛也慎  
之哉故其象為覆燈火

維丙辰丁巳納土徵所生厥生初息壤浮水汕之攸乎湫  
其勿湫乎離毋得毋多多毋多所護縱有恒河焉能簸之  
流故其象為沙中土

維戊辰己巳納羽之木坤母腹火水交土膏動厥木條故



其象為大林木

維庚辰辛巳納宮之金不曰堅乎火生竈兮不曰白乎水  
養害子其諸剛中之柔濕中之燥者乎故其象為白蠟金  
維壬辰癸巳納商之子此子生成天一地六火為厥妃陽  
神陰育宗廟源源往過來續水哉水哉是之取哉故其象  
為長流水

古陽三甲

陽生於子自子至巳六辰配三甲為陽

第四甲十干十支

五年

納宮商角徵羽所生五行

維甲午乙未納宮之金金四顧多他族我克他他克復求  
藏身孰我畜未土磽生意屬礫石間我毋腹借火遁入胎  
伏收元精住初地定有人夜識氣故其象為砂石金  
維丙午丁未遇商之水欲納不納也面南離三火全未駢

丁燠其乾求生化無有焉維天有潢監亦有光後天下洗  
兵馬故其象為天河水

維戊午己未大塊地納角火獨午位日正中照當空先天  
乾實離宮故其象為天上火

維庚午辛未納土自徵午為母兮未兄弟誰謂無根祇奈  
何不自收拾棄而散之實維多子之累故其象為路旁土  
維壬午癸未納音自羽朝陽震湍湍水淺淺土是物也其  
天下之易生而寅得水情者乎故其象為楊柳木

第五甲十干十支

五甲五酉

納商角徵羽宮所生五行

維甲申乙酉納商之水母氣在地中其蓄也深可用汲卉  
木並受其養故其象為井泉水

維丙申丁酉納角之火從上草下入於其穴故其象為山

下火

維戊申己酉納徵之土土何喜生子也兄生弟生主生客生絡繹不止也故其象為大驛土

維庚申辛酉納羽之木木濯濯矣物不可以終絕其碩果乎故其象為石榴木

維壬申癸酉納宮生之商金陰陽水陰陽合氣淬成清且剛感秋動厲莫當故其象為劍鋒金

第六甲十干十支

戊戌

納角徵羽宮商所生五行

維甲戌乙亥納角之火西北有土阜木從木根生木生滿山人皆仰之或遺之燒人皆驚之故其象為山頭火

維丙戌丁亥納徵之土土反其宅宅下半濕半燥不如就上頭上有父母靠故其象為屋上土

維戊戌己亥納羽之木相土面敷而衍其下氣暖地道敏  
樹生氣宛宛故其象為平地木

維庚戌辛亥納宮之金庚辛方兌後天坎先天巽戌亥先  
為艮後為乾我儀圖之象其物宜是金也經水火之矯揉  
固宜貴於少女之首而趾脫於其手者乎故其象為釵釧  
金

維壬戌癸亥納商之水流水之為物也本小末大流極數  
窮窮陰益沛六甲通尾銜尾尾間之洩洩無外匪甚盛氣  
又何能還元於貞轉否而泰故其象為大海水

右陰三甲

陰生於午自午至亥六辰配三甲為陰

病中閒體五行家說頗有驗因憶舊作題一絕管窺之見  
竊欲存之以質來者遂附錄卷尾考亭夫子答戴主簿詩

云擬借韋編訂龍馬免推納甲話蟾蜍是亦不信叅同契  
之說而見之吟詠也余何必以異於存中而自棄之休度  
識